



Ungt Blod-konserten vart svært vellukka. Her står Pål Magne Austnes i forgrunnen til venstre. (Foto: Ola Matti Mathisen)

Torsdag skal Ungdommens Kommunestyre (UKK) ha møte og mellom anna løyva tilskot til ungdomstiltak for denne våren. Det står 30.000 til disposisjon mot 60.000 i fjor og det ligg føre ein søknad frå skulemusikk-korpsa i Uskedalen og Rosendal om 15.000 til det svært vellukka Austnes-prosjektet tidlegare i vinter.

Verksemdsleiar og leiar i UKK går inn for at det skal løyvast 10.000 kroner. Dei viser til at arrangementet tidleg i fjor haust var lova underskotsgaranti, men denne ordninga blir ikkje nytta i år. Difor er det naturleg at søknaden om tilskot blir lagt fram for UKK. Budsjettet for Austnes-prosjektet var på 81.900 kroner.

Dei heiter i saksutgreiinga at prosjektet - og også Brodahl-prosjektet i fjor - var eit stort løft for arrangørane. Men slike tiltak verkar motiverande på deltakarane og sikrar ein meir stabil og varig drift.

Foreldre og born blir på denne måten engasjert av eit godt førebyggjande arbeid og dei unge musikantane får ei flott utvikling og gode opplevingar. Dette fører igjen til at dei blir betre rusta til å møte nye miljø og utfordringar i kvardagen.

Av Ola Matti Mathisen